

Հ Ա Յ Ա Ս Տ Ա Ն Ի Հ Ա Ն Ր Ա Պ Ե Տ ՈՒ Թ Յ Ա Ն

ԵՐԵՎԱՆ ՔԱՂԱՔԻ ԱՎԱԳԱՆԻ

\_\_\_\_\_2014թ.

№ \_\_\_\_\_-Ա

Ո Ր Ո Շ ՈՒ Մ

ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ  
ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2013 թվականի դեկտեմբերի 10-ի «Երևան քաղաքի սեփականություն համարվող գույքն օգտագործման տրամադրելու և օտարման 2014 թվականի ծրագրի վերաբերյալ» հ.95-Ն որոշմամբ հաստատված ծրագրի 3-րդ կետով՝ **Երևան քաղաքի ավագանին որոշում է.**

1. Թույլատրել Երևանի քաղաքապետին Երևան համայնքի սեփականությունը համարվող Մամիկոնյանց փողոցի հ.41 շենքի հ.10 բնակարանը (անշարժ գույքի սեփականության (օգտագործման) իրավունքի գրանցման 19.09.2011թ. հ.2727289 վկայական) սեփականության իրավունքով անհատույց օտարել (սվիթչել) Վարթուհի Վարթերեայանին :

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ՄԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ  
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ  
ԱՆՀՐԱԺԵՇՏՈՒԹՅԱՆ ՄԱՍԻՆ

Սույն որոշման նախագծով նախատեսվում է Երևան համայնքի սեփականություն համարվող Մամիկոնյանց փողոցի հ.41 շենքի հ.10՝69.8քմ մակերեսով երկու սենյականոց բնակարանն անհատույց սեփականության իրավունքով նվիրել Վարթուհի Վարթերեսյանին:

Վարթուհի Վարթերեսյանը ՀԽՍՀ և ԽՍՀՄ ժողովրդական արտիստուհի է, ՀՀ «Մովսես Խորենացի» և «Մեսրոպ Մաշտոց» մեդալակիր, ինչպես նաև Երևան քաղաքի պատվավոր քաղաքացի: Նա հայ ազգային թատրոնի վերածննդի արարողներից է: Աննկարագրելի է այն մեծ ավանդն և անմնացորդ աշխատանքն, որը նա ներդրել է հայ թատրոնի զարգացման գործում: Նա բեմում է դեռևս 1947 թվականներից: Վարթուհի Վարթերեսյանը կերտել է բազմաթիվ դերեր, նկարահանվել ֆիլմերում: Հայաստանի ազգային ռադիոյի ֆոնդում ունի ավելի քան 100 ձայնագրություններ: Արտիստուհին բեմում կանգնել է այնպիսի մեծերի հետ, ինչպիսիք են Վահրամ Փափազյանը, Հրայր Ներսիսյանը, Գուրգեն Ջանիբեկյանը, Բաբկեն Ներսիսյանը, Մետաքսյա Սիմոնյանը, Մհեր Մկրտչյանը:

Վաստակաշատ դերասանուհին իր թոռան հետ բնակվում է մեկ սենյականոց բնակարանում, զրկված է և ստեղծագործելու նորմալ պայմաններից:

Վաստակաշատ դերասանուհին փաստորեն, ունի բնակարանային պայմանների կարիքավորություն: Հաշվի առնելով նրա դերը թատրոնի կայացման գործում, ինչպես նաև բնակարանային պայմանների բարելավման նպատակով, ստեղծագործելու համար պայմաններ ապահովելու նպատակով մշակվել է սույն ավագանու որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

## Տ Ե Ղ Ե Կ Ա Ն Ք

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ  
ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ  
ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ  
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող բնակարանն անհատույց օտարելու մասին» որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ.ՄԱՐԳԱՐՅԱՆ**

## Տ Ե Ղ Ե Կ Ա Ն Ք

**<<ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ  
ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ>> ԵՐԵՎԱՆ ՔԱՂԱՔԻ ԱՎԱԳԱՆՈՒ  
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ  
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու <<Երևան համայնքի սեփականություն համարվող բնակարանն  
անհատույց օտարելու մասին>> որոշման նախագծի ընդունման կապակցությամբ Երևանի  
բյուջեի եկամուտներում և ծախսերում փոփոխություններ չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ.ՄԱՐԳԱՐՅԱՆ**